

## Quatter dumondas – quatter respostas

### *1. Dovra la Rumantschia il Rumantsch Grischun?*

En la societad da communicaziun moderna d'ozendi dovra mintga cuminanza linguistica ina lingua da standard cuminaivla per la communicaziun scritta. Rumantsch grischun è la suletta varianta che vegn en dumonda sco varianta da standard per la Rumantschia.

### *2. Duai il Rumantsch Grischun avair ina utilisaziun ed ina derasaziun uschè vasta sco pussaivla?*

Sch'ina lingua da scrittira cuminaivla duai ademplir sias funziuns ed avoir effect, sto ella vegnir duvrada en tut ils secturs dal mitgadi e cuntanscher in'adiever vast ed ina funcziun cumplexsiva sco med da communicaziun. Mo sco lingua placativa è in standard cuminaivel in luxus e pauc raschunai-vel.

### *3. Duai il Rumantsch Grischun vegnir instrui ed imprendi en scola?*

In'utilisaziun vasta ed ina preschientscha effizienta d'ina lingua da standard cuminaivla èn d'ina vart mo pussaivlas, sche questa lingua vegn imprendida da tuts en scola. E da l'autra vart è in'introducziun da la varianta da standard sco lingua da scola mo pussaivla, sche la lingua da standard vegn duvrada en adina dapli secturs da la communicaziun scritta.

### *4. Co duai il Rumantsch Grischun vegnir instrui ed imprendi en scola?*

L'introducziun en scola da sutensi, q.v.d. cun l'alfabetisaziun en la lingua da standard, è evidentamain la meglra soluziun ord vista pedagogic-linguistica.

I na fa nagin senn da confrontar ils uffants cun duas variantas scrittas da la medema lingua.

I na fa era nagin senn d'avair a disposiziun duas variantas da la medema lingua per la communicaziun scritta, ina regionala ed ina surregionala.

*Gian Peder Gregori*